



DELÌBERA DE SA GIUNTA COMUNALI

N. 70 del 04-08-2020

Ogetu: Servìtziu de cuntrollu e càstiu de is benis comunalis e de is localis imperaus po sa Fiera de s'Artesania Artística de sa Sardìnnia. Aprovu schema de cunventzioni cun sa Cumpangia Barracellari

Su 4 de austu de su 2020 inghitezendi a is 16:20, in sa sala de sa Giunta Munitzipali de Mòguru in Via Leopardi 8, s'est atobiada sa Giunta Comunali cun sa presèntzia de:

Broccia Sandro	Sìndigu	P
Broccia Luisa	Assessori	P
Gallus Serenella	Assessori	P
Cau Donato	Vicesìndigu	P
Murroni Stefano	Assessori	A

Presidit sa setziada su Sìndigu Sandro Broccia

Pigat parti su Segretàriu Comunali Dotora Cristina Corda

SA GIUNTA

Bida sa delìbera de C.C. n.45 de su 04/09/2003 chi aprovat su regulamentu de sa Cumpangia Barracellari.

Bida sa delìbera de C.C. n.7 de su 23/02/2012 chi inditat is componentis de sa Cumpangia Barracellari.

Bida sa delìbera de C.C. n. 39 de su 27.11.2014 chi at torrau a fai sa Cumpangia Barracellari e stabilèssiu ca non ddui podint èssiri prus de 50 componentis cumprèndius su capitanu, unu tenenti e unu sutatenenti.

Bida sa delìbera C.C. n. 07 de su 03.04.2019 chi inditat comentu a Capitanu de sa Cumpangia Barracellari Largiu Simone, po su 2019/2021.

Bida sa Lei Regionali nùmeru 25 de su 15 de argiolas 1988 apitzus de s'organizazioni e funtzionamentu de is Cumpangias Barracellaris e su regulamentu comunali chi narat ca Cumpangia Barracellari depit:

- a) Amparai sa proprietadi giada in custòdia dae is meris assigraus po unu cuntributu stabiliu in su Regulamentu presenti;
- b) Agiudai a segus de rechesta issoru in is atividadis de preventzioni e domadura de sa fura de bestiàmini
- c) Prevenni e domai is infratzionis prevididas de su Decreto Legislativo de su 3 de abrili 2006, nùmeru 152 e s.m.i, in matèria de cuntrollu de is iscàrrigus de s'àliga tzìvili e industriali e de se s'abbandonu de s'àliga in àrea pùblica;
- d) Agiudai is organus statalis e regionalis in is atividadis de amparu e càstiu de su patrimoniu de padenti e forestali, salvu-pastorali e de is àreas prantadas e càstiu e preventzioni de su patrimoniu idricu prusatotu po su chi pertocat s'amparu dae s'incuinementu e amparu de is parcus, àreas protègias, cassa e pisca e domadura de su fogu e interventus de protetzioni tzìvili
- e) Amparai su patrimoniu comunali, foras de sa bidde e amministrari is benis de imperu tzìvicu e de demàniu;
- f) Totu is àteras fainas chi s'Amministratzioni comunali pensat de afidai a sa Cumpangia Barracellari po fai cussas atividadis de interessu pùblicu, sighendi is cumpetènzias atribuidas dae sa normativa vigenti.

Pigau a cunsideru ca s'Amministratzioni Comunali bolit disciplinari cun una cunventzioni dedicata su servìtziu de vigilàntzia de is localis comunalis imperaus po sa Fiera de s'Artesania Artstica de sa Sardìnnia chi s'agatant in su fàbricu pùblicu de Pratzza "Martiri della Libertà" e de su territòriu totu a ingìriu, imperau po eventus, manifestatzionis, atividadis chi si cuncordant ingui e duncas fintzas in sa simana de sa Fiera cun sa punna de prevenni reatus;

Cunfirmau ca in su bilàntziu de previsionis po sa segunda parti de su 2020 est previdida sa spesa po gai a sa cumpangia barracellari unu agiudu econòmicu de 7.000,00 èurus.

Achiriu su parri a favori po su chi pertocat sa regularidadi tènnica de su Responsàbili de su Servìtziu de Vigilàntzia.

Achiriu su parri a favori po su chi pertocat sa regularidadi contàbili de su Responsàbili de su Servìtziu Finanziàriu.

Cun votus concòrdius

DELIBERAT

De incarrigai su Responsàbili de su Servìtziu de Vigilàntzia de assinniai a sa Cumpangia Barracellari de Mòguru su servìtziu de vigilàntzia de is localis comunalis imperaus po sa Fiera de s'Artesania artstica de sa Sardìnnia po sa simana de su 08.08.2020 a su 06.09.2020;

De incarrigai su Responsàbili de su Servìtziu de Vigilàntzia de assinniai a sa Cumpangia Barracellari de Mòguru unu cuntributu po is ispesas sustènnias e de sustenni po su servìtziu de èurus 7.000,00

De cunfirmari ca custa spesa at a fai càrrigu a custu capìtulu de su Bilàntziu de Previsionis 2020 :

- € 7.000,00 cod.interv 03.01-1.03.02.99.000 cap. 1324/40.

De aprovai su schema de conventzioni alliongiu a custa
delibera.

De decrarai cun votus spartzius e cuncòrdius ca custa delibera est esecutabili luegu s'art
134, comma 4 D.Lgs.267/200